

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН

ШУӖМ

2022 воын Коми Республика мутасын пӧжаръяс лоны вермана кад заводитчӧм йылысь

“Пӧжарысь видзчысянлун йылысь” Федеральнӧй оланпаслӧн 20 статья, Россия Федерацияын пӧжарысь видзчысян режим правилӧяс серти, мый вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Коми Республикаса Веськӧдлан котыр шуис:

1. Индыны 2022 воын Коми Республика мутасын пӧжаръяс лоны вермана кад заводитчӧмсӧ:

1) 2022 вося ода-кора тӧлысь 1 лунсянь “Сыктывкар” кар кытшса, “Княжпогост”, “Койгорт”, “Кӧрткерӧс”, “Луздор”, “Сыктывдін”, “Сыктив”, “Мылдін”, “Удора”, “Емдін”, “Кулӧмдін” муниципальнӧй районьясса муниципальнӧй юкӧнъяслӧн мутасьясын;

2) 2022 вося ода-кора тӧлысь 16 лунсянь “Воркута”, “Вуктыл”, “Инта”, “Усинск”, “Ухта” кар кытшьясса, “Изьва”, “Печора”, “Сосногорск”, “Чилимдін” муниципальнӧй районьясса муниципальнӧй юкӧнъяслӧн мутасьясын.

2. Вӧзйыны Коми Республикаын меставывса асвеськӧдлан органьяслы:

1) збыльмӧдны Россия Федерацияын пӧжарысь видзчысян режим правилӧясса 70 пункт олӧмӧ пӧртан мероприятиеяслысь муниципальнӧй планьяссӧ, кутшӧмьясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн (водзӧ – Россия Федерацияын пӧжарысь видзчысян режим правилӧяс), планьясӧн урчитӧм уджъяс нуӧдан кадколастъяс да ыджда серти;

2) пöжарысь видзчысян канму службалöн юкöдувьяскöд, асвöляя пöжарнöй охраланöн юкöдувьяскöд, “Пöжарысь видзан ставроссияса асвöляя котыр” ставроссияса öтйöза организациялöн Коми республиканскöй юкөнöс петкöдлысьяскöд (водзö – ПВСАК СÖО КРЮ) öтув нуöдны олысьяскöд да муниципальнöй учреждениеясса уджалысьяскöд пöжарысь видзчысян мераяс да пöжар дырйи налöн вöчöмторьяс йылысь гөгöрвоöдана удж;

3) вынсьöдны чина йöзлöн вöчöмторьяслысь пöрадоксö сэк, кор вöрса да мукöд ландшафтнöй (вöр-ва) пöжарьяс вермöны вуджны олан пункт вылö, сы лыдын олысьяслы юöртöм, эвакуируйтан маршрутьяс, недыр кад кежлö овмöдан пунктьяс;

4) котыртны олысьяслы пöжарысь видзчысянлунсö могмöдöм серти примитöм помшүмьяс йылысь юöртöмсö, сы лыдын граждаланöн скодьяс (чукöртчылöмьяс) дырйи, а сіджö могмöдны пöжарысь видзчысян канму службалöн юкöдувьяслы, вöр видзан органьяслы пöжарно-технической тöдöмлун паськöдны отсалöмсö;

5) котыртны зданиеяскöд, сооружениеяскöд, олан керкаяскöд, вöркöд орчча мутасьясысь кос турун, ёг весалöмсö, торйöн кутны тöд вылын уна йöза объектьяс, социальной юкөнса объектьяс, пöжар дырйи öдйö сотчыны вермысь олан зданиеяс (пуысь);

6) водзвыв дасьтыны пöжар кусöдигöн медводз колана средствояслысь видзас да пöжарысь видзчысян кöлуй (ва бöчкаяс, зырьяс, ведраяс, багачьяс, багырьяс да мукöдтор);

7) примитны пöжарысь видзчысьöм вылö ваөн могмöдан ортсыса öшмösьяссö, кутшöмьяс меститчöмаöсь лöсялана муниципальнöй юкөнлöн мутасын, бура уджавны лöсьöдан тырвийö мераяс. Могмöдны ва öшмösьяс дорö мытшöдтөг матыстчöмсö;

8) сы могысь, медем дугöдны пöжар паськалöмсö да билысь стрöйбаяс, зданиеяс да сооружениеяс вылö вуджöмсö, вöрлөн, муяслөн, нюрьяслөн олан пунктьяскöд да торйöн сулалысь объектьяскöд,

кутшӧмъяс меститчӧмаӧсь насянь зэв матын, орчча местаясын нуӧдны видзан (минерализуйтӧм) визьяс лӧсьӧдӧм, весалӧм да вильмӧдӧм серти уджъяслысь комплекс;

9) сэк, кор вермас лоны пӧжар, дзик пыр пыртны лӧсялана муниципальной юкӧнъяслӧн мутасьясын пӧжарысь видзчысян торъя режим пӧжарысь видзчысянлун серти содтӧд корӧмьяссӧ урчитӧмӧн;

10) олан пунктъяслӧн мутасьясын, сад вӧдитан либӧ град выв пуктас вӧдитан лӧсялана мутасьясын сад вӧдитан да град выв пуктас вӧдитан абу коммерческой товариществояслы прӧверитны, эмӧсь-ӧ неминучаяс йылысь олысьяслы юӧртан системаясыс, пӧжар дырйи йӧзлы шыӧн юӧртан средствоясыс да бура-ӧ найӧ уджалӧны, урчитны пӧжар кусӧдан могъяс вылӧ ва видзассӧ, а сӧдзжӧ пырӧдчыны гражданаӧс пӧжаръяс лоны вермигӧн видзчысянлун юкӧнын юӧртӧмӧ;

11) могмӧдны патрульной, патрульно-маневренной, маневренной да контрольно-патрульной группаяс лӧсьӧдӧмсӧ да налысь удж котыртӧмсӧ Патрульной, патрульно-маневренной, маневренной да патрульно-контрольной группаяс лӧсьӧдан да налысь удж котыртан пӧрадок серти методика рекомендацияс серти, кутшӧмъясӧс дасьтӧма “Россияса МЧС-лӧн войтырӧс дорьян да неминуचाысь видзан мытшӧдъяс серти ставроссияса наука туялан институт” федеральной канму сьӧмкуд учреждение.

3. Вӧзйыны Коми Республикаын меставывса асвеськӧдлан органъяслы, став эмбур сикаса организацияслы:

1) котыртны му участокъясын, кутшӧмъяс меститчӧны олан пунктъяслӧн, сад вӧдитан либӧ градывыв пуктас вӧдитан мутасьяслӧн мудорьясын, ёг пыр весалӧмсӧ да турун ытшкӧмсӧ;

2) лым сылан лунсянь арся зэра поводдя пуксьытӧдз либӧ лым усьтӧдз периодӧ могмӧдны вӧрдорса мутасьяссӧ косьмӧм турунысь, сю вундӧм бӧрын колясьясысь, ув-баддысь, керасьӧм бӧрын колясьясысь, производство да потребление шыбласьясысь да мукӧд ломтас материалысь

мутас мудорьяссянь да (либө) вөрсянь 10 метрысь абу ичөтджык пасьта визын весалөмсö либө торйөдны 1,4 метр пасьтаысь абу ичөтджык пöжарысь видзан минерализуйтөм визьөн либө пöжарысь видзчысян мөд мытшөдөн.

4. Коми Республикаса Юралысьлөн Администрациялы чина йөзкөд да органьяскөд öтув, кодьясöс индöма тайö шуөмлөн 2 да 3 пунктьясын, нуөдны пöжарысь видзчысянлунсö могмөдөм серти примитөм помшуөмьяс йылысь да пöжарьяс лоны вермана кадö пöжарысь видзчысянлун серти корөмьяс йылысь олысьяслы юөртан мероприятияяссö Коми Республикаса войтырөс дорьян да неминуचाысь видзан комитетөн сетөм материальяс подув вылын.

5. Коми Республикаса велөдан, наука да том йөз политика министерстволы, Коми Республикаса культура, туризм да архив удж министерстволы, Коми Республикаса удж, уджөн могмөдан да социальнöя дорьян министерстволы, Коми Республикаса вынйөр сөвмөдан да спорт министерстволы, Коми Республикаса йөзлысь дзоньвидзалун видзан министерстволы пöжарысь видзчысян канму службалөн юкөдувьяскөд, асвöляя пöжарнöй охраланөн юкөдувьяскөд, ПВСАК СÖО КРЮ-öс петкөдлысьясскөд, Коми Республикаын меставывса асвеськөдлан органьяскөд öтув нуөдны канму учреждениеясса уджалысьяс, граждана, Коми Республика мутасын меститчысь велөдчаниньясса велөдчысьяс (быдтасьяс) пөвстын пöжарысь видзчысян мераяс да пöжар дырйи налөн вöчөмторьяс йылысь гөгөрвоөдана удж.

6. Коми Республикаса видз-му овмөс да потребительскöй рынок министерстволы збыльмөдны өлөдан мероприятиеяслысь комплекс, кутшөмьясöс веськөдöма көрым да видз-му овмөс мукөд культура заптан, видзан да нуан периодö Россия Федерацияын пöжарысь видзчысян режим правилөяссö торкалөмьясысь видзчысьөм вылө.

7. Коми Республикаса стрөитчан, оланін да коммунальнöй овмөс министерстволы котыртны мероприятиеяс нуөдөмсö, кутшөмьясöс

веськӧдӧма организациясӧн да гражданаӧн наӧн автомашина туйясӧн вӧдитчигӧн Россия Федерацияын пӧжарысь видзчысян режим правилӧяссӧ торкалӧмъясысь видзчысьӧм вылӧ.

8. Вӧзйыны Коми Республикаын меставывса асвеськӧдлан органъяслы, Россияса МЧС-лӧн Коми Республикаын медшӧр веськӧдланінлы, Коми Республикаса видз-му овмӧс да потребительскӧй рынок министерстволы, Россельхознадзорлӧн Коми Республикаын веськӧдланінлы, Коми Республикаса вӧр-ва озырлун да гӧгӧртас видзан министерстволы пыр вежласьны видз-му овмӧс тӧдчанлуна да запас муяс, олан пунктъясса му участокъяс да вӧр фондса участокъяс кыин кутысьяс йылысь юӧрӧн, кодъяс торкалӧны пӧжарысь видзчысянлун серти корӧмъяссӧ.

9. Вӧзйыны “Россияса кӧрт туйяс” ВАК-са Войвыв кӧрт туйлӧн Сосногорскса мутас веськӧдланінлӧн филиаллы збыльмӧдны ӧлӧдан мероприятияяслысь комплекс, кутшӧмъяссӧс веськӧдӧма кӧрт туйясӧн, кежӧд визьясӧн да кӧрт туйяслӧн видзан зонаясӧн вӧдитчигӧн Россия Федерацияын пӧжарысь видзчысян режим правилӧяссӧ торкалӧмъясысь видзчысьӧм вылӧ.

10. Тайӧ шуӧмсӧ олӧмӧ пӧртӧм бӧрся видзӧдӧ Коми Республикаса Веськӧдлан котырӧн Юрнуӧдысь.

11. Тайӧ шуӧмыс вынсялӧ сійӧс примитан лунсянь.

Коми Республикаса Веськӧдлан котырӧн

Юрнуӧдысьӧс Медводдза вежысь

Э. Ахмеева

Сыктывкар

2022 вося косму тӧлысь 29 лун

222 №